



Akcija 'Spis': SIPA saslušala i Eldinu Bešliagić

► Eldina Bešliagić, šefica Odjeljenja urgentne medicine Opće bolnice Sarajevo, koju je SIPA privela na saslušanje u okviru akcije "Spis", potpredsjednica je Izvršnog odbora Općinske organizacije SDA Centar - Sarajevo.

Iz SIPA-e je prekjučer saopćeno da su četiri osobe, koje su bile predmet akcije, osumnjičene za krivična djela udruživanja radi činjenja krivičnih djela, zloupotrebu službenog položaja ili ovlaštenja, davanje dara i drugih oblika koristi

te davanje nagrade ili drugog oblika koristi za trgovinu utjecajem.

Akcija "Spis" provedena je u utorak, prema nalogu Kantonalnog tužilaštva, a tom prilikom na ispitivanje su bili privedeni i šef Odjeljenja za hirurgiju Dragiša Đogović

te djeca Eseda Radeljaša, sin Admir i kćerka Amra.

Nakon ispitivanja svi su pušteni, osim Amre Radeljaš, koja je predata nadležnom tužilaštvu na daljnje postupanje. Danas će tužilac odlučiti koje će za nju mjere biti zatražene. **M.Aš.**